

ნიკნოე


2
ნიკნოე
1981

ვინ ერთგულია, ვინ არა, ქვეყანამ დაინახოსა!

ნიანგი

საგარეოში

ნახ. ჯ. ლოლუასი



— ქვანეზო, გზა სოფ არ შეიშლია, აი გაყო თუ საგარეოში?!

„ამან მოიგო სახელი, ოდეს შე-
სწირეს გარეჯის უდაბნოს დაგ-
ნევი მსე, უსოდეს სავარჯო“.

პასუხები

ნიხანეძე — ჭაბურღილები

„და არს ადგილი ესე ზამთარ თბილი,
ბალახიანი, მცირე-თოვლიანი, ნადირ-ფრინ-
ვლიანი, შავითა მშუენი... ადგილი ნაყოფი-
რებით აღმული“, — ასე აღწერდა ივრის
სანახებს ჩვენი სახელოვანი მეცნიერი წი-
ნაპარი. საგარეჯოსკენ მიმავალ ნიანგს კი
ერთი კვიმატი აზრი შეუჯდა თავში:

წარმოიდგინა კახეთის გზატკეცილზე შე-
ჩერებული მანქანიდან თავგამოყოფილი,
აქეთკენ პირველად მიმავალი მძღოლისა და
გარეჯელი მკვიდრის ასეთი გასაუბრება:

— ჩემო ძამია, ვერ მიმასწავლი საგარე-
ჯოს გზას?

— რატომ ვერ, ძამო, აგერ, აი, იმ მთას,
ჭაბურღილები რომ მიუყვება, მარჯვნივ
ჩაუვლი, მარცხნივ შაუხვევ და საგარეჯოც
იქ დაგიხვდება!..

დაე, გვაპატიოს დიდმა ილიამ მისეული
ნათქვამის ეს ნიანგური გადასხვაფერება,
რადგან თვითონაც გაოცდებოდა ფრიად,
მშობლიურ ყვარელს გამგზავრებულს, ნავ-
თობის ჭაბურღილების ტყე რომ ეხილა,
რამდენიმე სწავლულ აგრონომზე მეოცნებე
ერის მამას!..

„მოდით, გვოსნებო, ვთქვათ ნორიოს ნავ-
თის დიდება!“ — ამ ორმოციოდე წლის წი-
ნათ პოეტის მიერ აღტაცებით თქმული
სიტყვებიც მოაგონდა ნიანგს, რადგან
აუნონელია, თუ რა დიდი სიკეთე უნდა
ახლდეს ქვეყნისათვის კახეთის ბარაქიანი
მინის წიაღში დაგუბებულ ძალასა და
ენერგიას!

განა მართო მზის ნაყოფის ნაჭური უნ-
და მოედინებოდეს ივრისა და ალაზნის ნა-
პირებიდან, განა მართო „დვინოი მანავისა
კეთილი“?! დაე, ყველამ იცოდეს, რა განუ-
ზომლად მდიდრები ვართ იმითაც, რაც
მინაზე მოგვყავს და რაც მინისქვეშ დაფა-
რულა!

ნათობი უკვე მძღავრად, ოქროდ მიედ-
ნება ბათუმისაკენ!..

ნიანგმაც მარჯვნიდან ჩაუარა ჭაბურღი-
ლებს, მარცხნივ შეუხვია და საგარეჯოს
მიადგა...

სოფლის ქოზა


ქვია იმ დროს, როცა გარეჯელებმა,
ის-ის იყო, უჩვეულო ძეობა იზემეს სრუ-
ლიად საქართველოსთან ერთად — სოფლის
დაბადება!..

უ დაბნოს გაუშენებელ, „უმკვიდრო“
ადგილს ეძახის ქართველი კაცი, ეძახის
იმას, რაც დრო-ჟამის უკულმართობას
მოუოხრებია მრავალჭირნახულ მინაზე!..



— სალაზ ალექიუმი! აკი აქ უდაბნოაო?!

(გაგრძელება მე-2 გვ.)



ნ. ალქასივილი

თოთხმეტი გრძელი საუკუნის წინათ მოიხსენია პირველად მეისტორიემ „უდაბნონი გარესჯისანი“.

„საქართველოში ვინ თქვა უდაბნო?“ — საუდაბნოდ არ გაინარების არც ერთი გოჯი ქართული მინა!

მეათე ხუთწლეულმა შვა ახალი დასახლება გარეჯის მინაზე. სოფლის მამულებს ზრუნვა არ მოჰქვამდათ: საცხოვრებელი სახლები — უწინარეს ყოვლისა!

სიმრავლე: ცხოვარნი, ცხენნი, ძროხა, კამბეჩი...

16 ნომბერს უხუცესმა ვ. ხარაშვილმა უდაბნოს სახალხო დეპუტატების სასოფლო საბჭოს პირველი მონვევის პირველი სესია გახსნა.

უდაბნოელებმა უკვე პირველ სესიაზე თქვეს თავიანთი გარჯის სათქმელი. რაიონის კომუნისტთა წინამძღოლმა — პარტიის რაიკომის პირველმა მდივანმა მედეა მეზერიშვილმა ამაყად მოახსენა სესიას, უამრავ სტუმარს: „მართო ის მინდა გითხრათ, რომ ამ ხუთ წელიწადში უდაბნოს მეურნეობამ 10 მილიონამდე მანეთის სოფლის მეურნეობის პროდუქტები მიჰყიდა სახელმწიფოს!..“

მართლაც, რომ საამაყოა! ამ ხუთიოდე წლის წინათ ყველაზე გაბედულ მეოცნებესაც გაუჭირდებოდა ამის თქმა! წინ კი რაოდენ დიდი გზაა! სოფლის ძეობა ნამდვილ სახალხო დღესასწაულად იქცა.



აბა, სოფელი რის სოფელია, ახალი ოჯახები თუ არ შეიქმნა, თუ არ იმრავლა?! და ზემოც ქორწილით დაამშვენეს ახალი სოფლის პირველმა მუდმივმა მცხოვრებლებმა ავთო ბერძენიშვილმა და ნინო ბაფხოშვილმა. ახალდაქორწინებულებმა მშენებლებისაგან ახალაშენებული კოტეჯის გასაღები მიიღეს საჩუქრად. პატარაძეულებმა მძღოლმა ავთანდილ მიქელაშვილმა ბედნიერ წყვილს უბედნიერესი ნივთი უნობათა — ქართული აკვანი, რომლითაც თვითონ და მის მეუღლეს რვა შვილი გაუზრდიათ!..

— ბიჭო, განა შენ კი აღარ დაგჭირდება? — ხუმრობით უთქვამს ამაზე ქალბატონ მედეას. — იცოდე, თუ გაისად მეცხრე გეყოლა, ნათლია მე უნდა ვიყო!

— ოღონდ ეგ პატივი დამდეთ და, თქვენ ფიქრი ნუ გაქვთ, ეგ ადვილი საქმეაო! — კახური უშუალობით უპასუხნია მამას.

დაპირებულ სიტყვას წინაგაც დაელოდება და ისიც თავის მილოცვას არ დააყოვნებს! ჰოდა, მთელ დღეს, გვიანობამდე გრძელდებოდა ახალი სოფლის ძეობა!..

აქვე სახალხო პირობა დადეს უდაბნოელებმა — 1981 წლისათვის, გეგმასთან შედარებით, 100 პროცენტით გააძლიერ მეცხოველეობის პროდუქტების წარმოება, მნიშვნელოვნად გაზარდონ მარცვლეულის, ბაღჩეულ-ბოსტნეულის წარმოება, ახალ ხუთწლეულში ახალსიცოცხლეამდგარ სოფელს იერიც მთლიანად უცვალონ, რათა შქონდეთ სკოლაცა და საბავშვო ბაგა-ბაღიც, ბიბლიოთეკაცა და კულტურის სახლიც, სპორტული მოედანი, საყოფაცხოვრებო მომსახურების საწარმოებიცა და საავადმყოფოც! ხუმრობა ხომ არ არის — სო-



ფელს უახლოეს ხანში ექვსასი კომლი მოსახლე უნდა ჰყავდეს! ასეც იქნება!

ხვანისა და ბარაქის ოსტატები

მამსი წლის წინათ, 1974 წლის 6 აგვისტოს, საქართველოს კომპარტიის ცენტრალურმა კომიტეტმა და რესპუბლიკის მინისტრთა საბჭომ მიიღეს დადგენილება რაიონის სახალხო მეურნეობის განვითარების პერსპექტიული გეგმის შესახებ!..

წინაგეგმა საგონებელს მიეცა: ბოლოს და ბოლოს, ვისი წილი სჭარბობს რაიონის ეკონომიკაში — სოფლის მეურნეობისა თუ მრეწველობისა?! სახალხო მეურნეობის რომელი დარგი, რომელი კოლექტივი ხვდება ყველაზე უფრო პირნათელი ახალ ხუთწლეულს, სკკპ XXVI და საქართველოს კომპარტიის XXVI ყრილობებს, რით მივლენ რაიონის კომუნისტები თავიანთ 34-ე პარტიულ კონფერენციაზე?

იფიქრა წინაგეგმა, იფიქრა და ისევ ტრადიციას დაუგდო ყური: აკი წლებანდელმა შემოდგომამ ქართველ მევენახეთა დიდი სადღეგრძელო თქვა, ჰოდა, მანაც პირველი სადღეგრძელო გარეჯელ გლეხკაცს დაუთმო. ყურძნის არნახული მოსავალი მოიწიეს საგარეჯოელმა მევენახეებმა — სახელმწიფო მარანს 37 ათას ტონაზე მეტი ყურძენი მიუწონეს, გეგმაც გაანადღეს და სოციალისტური ვალდებულებაც!



თანამედროვე მაკაჟაჟი
ხაფანგს ვუგებთ დასაჭერად
ახალ მგლებს და ახალ ტურებს!

— ფეხსაცმელი კი ავიღე, მაგრამ ახლა რა ვქნა?
— ახლა ტანსაცმლისთვის დადგითო!..

მაინც ყველაზე უფრო ვინ ისახელა თავი? კოლმეურნეობებს შორის სოციალისტურ მეფობებში გაიმარჯვა შიბლიანის სტალინის სახელობის კოლმეურნეობის შრომითმა კოლექტივმა. კოლმეურნეობის თავკაცს ო. ჩალათაშვილს სამუშაო ოთახი დაუმშენა გარდაბავალმა წითელმა დროშამ! მოსავლის გეგმა შიბლიანელებმა 156 პროცენტით გაანაღდეს, ხოლო წარმოებისა — 155 პროცენტით!

ყურძნის უხვი მოსავლისათვის გაჩაღებულ დიდ ლაშქრობაში არც მეორე ადგილია ურიგო, — თქვეს ყანდაურელმა მევენახეებმა. მათაც ურიგოდ როდი იმუშავეს!

სოციალისტური მეფობების ხელმძღვანელობის რაიონულმა კომისიამ „მესამე საპრიზო ადგილი“ კაკაბეთელებს მიაკუთვნა. არა უშავს, გაისად ვნახოთ, „შაში კაკაბის“ შებმაში ვინც იმარჯვებო, იქადავნიან კაკაბეთელები!

მეურნეობებს შორის გამარჯვებულის სახელი გიორგინინდის მევენახეობის საბჭოთა მეურნეობის ყურძნის უხვი მოსავლის მოყვანის ოსტატებმა დაინარჩუნეს!

— სახელმწიფო მარანს ექვსი ტონა მარტო საკარმიდამო ნაკვეთიდანო, — თქვა ჩაილურელმა რომან მემარნიშვილმა. — მერე რა, რომ მემარნიშვილი არა ვარ, მარანს არც ჩემგან დააკლდება! — მეზობელს ტოლი არ დაუდო ფილო ლოლაძემ. — ვახის ლოლიავი ჩემი მოგონილიაო!

რაიონის მევენახეთა შრომით გამარჯვებაში თავიანთი სიტყვა თქვეს ჩაილურის სახელმწიფო სანერგე, საგარეჯოს მევენახეობის, მანაუისა და ივრის საბჭოთა მეურნეობების მშრომელთა კოლექტივებმაც!

...დაინურა გარეჯული ზვრების ბარაქა რაიონის სახელგანთქმულ ღვინის ქარხნებში, რათა ლხინსა და ქორნილს, ზემ-დღესასწაულს, მშრომელთა სუფრას არა დააკლდეს რა „მანაუის მწვანის“ თამადობით! ახლახან კი რაიონის ღვინის წარმოებას მეთავე ხუთწლედის პირმშო — საექსპორტო და სამარკო ღვინოების ჩამომსხმელი ქარხანა-გიგანტი შეემატა. სრული სიმძლავრით ამუშავების შემდეგ აქაური მარკით 3 მილიონი დეკალიტრი სახელგანთქმული ქართული ღვინოები გაიგზავნება რესპუბლიკისა და ჩვენი დიადი ქვეყნის გარეთ!

და ვინ იცის, კიდევ რამდენი ვინმე დაიწყებს მსოფლიოს რუკაზე ერთი პატარა ქალაქის ძებნას, საგარეჯო რომ ეწოდება!

და განა მარტო მევენახეებმა ისახელეს თავი ხუთწლედის ბოლო წელს, თუ მთლიანად ხუთწლედში?

დიდია სოფლის მეურნეობის პროდუქტების დამზადების საქმეში, რაიონის წარმატებებში მეცხოველეთა, მინათმოქმედთა წვლილიც.

მეთავე ხუთწლედის მონინავეთა სახელის დამსახურებას ნიანგი გულწრფელად ულოცავს მექანიზატორებს — ნინომინდელ ვეტერანს ნიკო როსტომაშვილსა და ვასილ ივანიაშვილს, საშემელ გიორგი კველიშვილსა და სულიკო მუჩიაშვილს, გომბორელ გიგა ჯინჭარაულს, ლამბალოელ მაჰმად სოითონოს და ბაქირ ისმაილ ოღლის, მანაველ ოთარ ოზგელდაშვილს, უდაბნოელ ჯემალ ჩახმახიშვილსა და მიხეილ პორფიროვს, პატარძელულელ უშანგი ძნელაშვილსა და შოთა გოცირიძეს, კაკაბეთელ ფირო ოქრომჭედლიშვილს, გიორგინინდელ ვალიკო დიდელაშვილსა და თენგიზ მეყოკიშვილს, მანაველ ფირო ფიცხვერაშვილსა და გუგული ბორაშვილს, შიბლიანელ რევაზ სადუნიშვილსა და ლენტო ლოლაძეს; მწველავებსა და მეცხვარეებს — უდაბნოელ ალექსი ჭია-

ბერაშვილს, აშა აბდულ-ოღლის, აბდულსულიმან-ოღლის, ომრულ იუსუფ-ოღლის, მანაველ ნადიკო და ნადია ტაბატაძეებს, ელიკო გოგოლაურს, ნინომინდელს ვალიკო ტოპეშაშვილს, ვალიკო დემეტრაშვილს, საშემელ ევა მამუკაშვილს, პატარძელულელ გურამ სიბოშვილს, ვასო ჭიკარტაძეს, ილო დოლენჯაშვილს, უშანგი უსტიაშვილს, ნიკო დოლენჯაშვილს, გომბორელ ბაბაღლე ნადირაშვილს, მარიამ თურმანაულს, ხინაშათ კუნამ-ოღლის; მესიმინდეებს — გიორგინინდელ ვახტანგ ბორაშვილს, შოთა თეთრაძეს, გიგა მარიდაშვილს, ავთო კველიშვილს, ნინომინდელს — საქართველოს კომპარტიის XXVI ყრილობის დელეგატს თეზიკო კერატიშვილსა და მის ძმას ომარ კერატიშვილს.

ბარაქალა თქვენს მარჯვენას!


(გაგრძელება მე-4-5 გვ.)

ნახ. ჯ. ლოლუასი



— რას შვრავი?! თავს გვჭრი?! სად მიგაძვს ეს ავური?!
— შენ რა იცი, ეს ისეთი ძვირფასი რამ არის, ძორნილშიაც არ შვრცხვება მიტანა!..

ნახ. ი. შინაშვილისა



უბაქსტოდ

...და ეღიშებათ!..

„ქაცურო ქაცო!“ — წამდაუწუმ ვამბობთ სუფრაზე!
„მამულიშვილო!“ — სალამივით ენაზე გვაძევს!
„ერის ქაცი ხარ!“ — მავანსა და მავანს ვუფრაზებთ და ეღიშებათ ჭავახიშვილს და ჭავჭავაძეს!

ბ. კასკელი

ფ რ ა ზ ე ბ ი

- ივლიანი აზრი ცხესხა, რომ, იძულებული გახდა, დისერტაციით გადაეხადა.
 - ზოგბირთი მალაზია მომხმარებელს კი არ ემსახურება, თვითმონსახურებაზეა გადასული.
 - ციშრები არის: არაბული, რომაული და... გაბერლია!
 - არაქოლოზობურაბა გათხრებმა კიდევ ერთხელ ცხადყვეს, რომ ყველაფერი რჩება: აღამიანებს, ოღონდ — ცოტა მოგვიანებით.
 - გაღვიპარათი სინდისს ვერ გააღვიპებ!
 - ზოგჯერ სასწორის ისარი არა მარტო წონის, არამედ წამუსის მაჩვენებელიც არის.
- ანდრო კოკოლია**
- ვინც არ ამწვანებს, იგი აშავეს.
 - ეღინარაც შეიძლება წყალწაღებული იყოს.
 - დასუშთავების სამმართველოსაც სჭირდება დასუფთავება.
- ნიკოლოზ იოსებიძე**
- გაყვიღველის დიმილი მყიდველს ძვირი დაუჯდა.
 - მოხეტიალე ხელოვნებმა დაიტრაბახეს: ჩვენს წარმატებებს მშენებლებს უნდა ვუმაღლოდეთ!

გივი კილაძე

თავისი ჩრდილი დასდევს თან. შუქსაც ჩრდილი გამოკვეთს ხოლმე უფრო მკაფიოდ, ოღონდ საქმე ის არის, ეს ჩრდილი რაც შეიძლება მოკლე იყოს, როგორც შუადღისას, მაგალითად, როცა მზე ყველაზე მეტად აცხუნებს. და სწორედ ამ ჩრდილების დასამოკლებლად (თუ მთლიანად გასაქრობად არა) იბრძვის რაიონის მთელი აქტივი, პარტიული ორგანიზაცია, კომკავშირი. ჩრდილი რომ არ გვექონდეს, არც ნეგატიური მოგონებების წინააღმდეგ მებრძოლი კომისია გვეყოლებოდა.

მაშ ასე, ვეძებთ ჩრდილოვან მხარეებს!..

გეგმა და ზარალი

315 ი ცის, კიდევ რამდენი სახობტო სიტყვის თქმა შეიძლება საგარეჯოს რაიონზე, მაგრამ ნიანგისათვის ქება „ფონდირებული“ მასალაა და მასალის გადახარჯვას კი, კარგად მოგეხსენებათ, რაც მოსდევს.

სიტყვა „მასალამ“ საგარეჯოს საშენ მასალათა ქარხანა გაგვახსენა.

ამ ქარხნის 1980 წლის ათი თვის გეგმის შესრულების მონაცემები: საერთო პროდუქციის გამოშვების გეგმა შესრულდა მნ პროცენტით, აქედან აგურის წარმოებისა — მნ პროცენტით, შრომის ნაყოფიერების ზრდისა — ასევე მნ პროცენტით, ხოლო ყოველი ათასი ცალი აგურის თვითღირებულება ჩვიდმეტი მანეთით მეტი დაუჯდათ!

ამოცანა გვეკითხება — რამდენ მანეთ ზარალს მიიღებდა ქარხანა. თუ წელიწადში აგურის გამოშვების გეგმა ოცდათორმეტი მილიონი ცალია?

ამოხსნა მკითხველისათვის მიგვიჩვენია, ჩვენ კი ასეთ ზოგად დასკვნას გავაკეთებთ: რაც უფრო მეტად შესრულდება. გეგმა... მით უფრო მეტ ზარალს ნახავენ?!.. უცნაური პარადოქსია!

როდესაც ვინმეს ცუდად აქვს საქმე, იტყვიან ხოლმე, „მაგის პატრონს ხელში ორი აგური უნდა ეჭიროს და თავში იცემდესო“, მაგრამ საგარეჯოს საშენ მასალათა ქარხნის ხელმძღვანელები ასეთი „ფუფუნების“ უფლებას თავის თავს ვერ მისცემენ, რადგან — სადაა საამისოდ გასამეტებელი ასე ძვირფასი აგური?!

ქარხნის დირექტორის მოვალეობის შემსრულებელი ვახტანგ ბედიაშვილი, როგორც ამბობენ, კარგი, გამოცდილი სპეციალისტია, მაგრამ კვალიფიკაციური მუშახელის ნაკლებობას და ტექნიკური პერსონალის დაბალ პროფესიულ დონეს, ქარხნის მშენებლობისას, მისი წარმოების დაგეგმვისას დაშვებულ შეცდომებს თავისი გააქვს. ამიტომ გასაგებია, თუ რატომ მიაღწია ქარხნის არსებობის შვიდი წლის მანძილზე დირექტორების ცვლამ სარეკორდო ციფრს — ცამეტს!

ალბათ, საშენ მასალათა სამინისტროს ხელმძღვანელები მომავალში, დირექტორების გათავისუფლების ნაცვლად, უფრო ქმედით მეთოდებს გამოიხატავენ ქარხნის ორივე ფეხზე დასაყენებლად.

„ღუშინავის“ „ღრუშინა“

არ გრცხვენიათ...
ლორებივით იქცევით?!
ნოღარ ღუშგაქი

ლორი რომ თავისი ღორობით გამოირჩევა ყველა პირუტყვისაგან, საყოველთაოდ ცნობილია. იგი ხარბი და გაუმძლავრია, ოღონდ ჭამოს და არ ერიდება არაფერს, მეზობლის ბოსტანშიც გადაძვრება და სხვა რამესაც იკადრებს.

ეს კია, რომ, რომ, ბოლოს და ბოლოს ისევ ადამიანს სწირავს სიცოცხლეს (ზოგჯერ გოჭობის ასაკშიც კი), სისხლსა და ხორცს, ტყავსა და ჯაგარს და მთელ თავის უარყოფით ცხოველურ თვისებებს ამით გამოისყიდის ხოლმე.

ახლა კი მათზე, ვინც ღორობას იჩენს და სხვის გასუქებულ და გაფუფუნებულ ღორებს იპარავს:

საგარეჯოს შინაგან საქმეთა რაიგანყოფილების უფროსს დავით ესაიაშვილს წესად აქვს შემოღებული — შუალამისას მანქანით შემოუაროს რაიონს, რადგან სჯერა ანდა-ზისა — „ქურდს რა უნდა და ბნელი ღამეო“.

...მაშინაც ბნელი ღამე იყო და ქურდსაც ეს უნდოდა. და უცბად ღამის იდილია თვითმცლელი ავტომანქანის უსიამოვნო ხმაურმა დაარღვია. იგი თავკუდმოგლეჯილი მიჰქროდა და ასფალტზე ტალახიან კვალს ტოვებდა. „ტალახი მშრალ ამინდში?“ — დაიჭვია მილიციის უფროსი და მიჰყვა თვითმცლელს.

დაპირებებით აგვიკლტ!

წმინდი მეურნეობის ზღმძღვანელი წინასწარ ვერ იჭრებოდა, თადარიგ პირუტყვის გამოზამთრებისათვის და მხოლოდ დაპირებებით კვებავს საქონელს.

გ ა ზ ე თ ე ბ ი დ ა ნ

პირუტყვის გამოკვებისთვის „იხმარა ღონე ყოველი“: საზეიმოდ თქვა: „ჩემსავით უნდა ვასუქო ცხოველი! ისე დავხადო ძროხები, ქონს ვერ იტევდნენ ტყავშიო! რძის ნიაღვრები ვადინო ცივსა და გრძელ ზამთარშიო!“ თქვა უენოთა წინაშე: „მე არ შევირცხვენ თავსაო, გკვებოთ ისეთი საკვებით, დაედრებოდეს ფლავსაო! რჩენა-რჩევაზე მოგაწვდით თივას, ფუჩიქს და ქატოსო, რომ თვითეულმა ერთ დღეში ცხრა კილო მოიმატოსო! ბალახს მწვანეზე ვავთიბავ, დადგეს თივათა ნაღები! საკვების მადნად ვაქციო ვენახებიც და ბაღებიც! სიმინდს დაფთვავ, მოვიყვან, ცხენიან კაცსა მალავდეს! ხილსადა ჩავდებ იმდენსა, ბოსლების წვერებს ფარავდეს! ნარჩენად გქონდეთ საჭმელი: ასრულდეს ნიშას წადლი! საქონლის ფერმა კი არა, სამოთხე იყოს ნამდვილი!“ დაჭდა და წერა დაიწყო, არ ჩაურია კორები, გეგმა და გეგმა! გეგმების დაწერა მთელი ტომები!

კრებებზე ოქროს ხიტყვები გადმოსდიოდა ბაგიდან. დაპირებებით გაავსო კარადები და მაგიდა!.. მაგრამ ზაფხული გავიდა, უკვე აგრილდა ბარადაც. გეგმები, დაპირებები ვერ გადმოსცილდა კარადას! გაძვალტყვევებულ საქონელს ცრემლები დახცდა კრიალა: „დაპირებები იზრდება ჩვენთვის, საკვები კი არა! დაფონდებულვარ ამისთვის, ბედი მქონია ავიო! რა ვქნა, რა წყალში ჩავვარდე, რით გავიტანო თავიო?! ან შევლი როგორ გავზარდო, ან რძე ვით მივიცე ბატონსა?! რატომ არ ეკითხებიან ჩვენს უბატრონო პატრონსა?!“ თავფუყე თავმჯდომარე კი, ხელში კვლავ კალმისტარითა, დამწუხრებულსა საქონელს ანუფებდა ამითა: „კიდევ ითმინეთ, პირუტყვნო, იყავით გონიერია! თქვენს საჭმელზედაც ვიზრუნებ, სოფელი ღონიერია!“

არამკითხე კითხული

შემდეგ კი ყველაფერი ისე განვითარდა, როგორც დეტექტიურ ფილმებში ხდება — ოპერატიული მანქანა ცდილობდა, გზა გადაეჭრა თვითმცლელისათვის, თვითმცლელი კი გასასვლელს არ უტოვებდა. და როცა მდევარი დევნილმა ტყეშიც ვერ ჩამოიცილა, თვითმცლელი იორში შევარდა...

მილიციის უფროსის წინაშე იდგა თვითმცლელის თავზეხელაღებული მძლორი ვინმე ვაჩაძე, უკვე ნირნამხდარი და შერცხვენილი, უკვე გამუდმებული ქურდი, იდგა ერთი თავმოჭრილი ვაჩაძე, ხოლო ძარაში ეწყო თორმეტი ყელგამოჭრილი ღორი!

ღორის ქურდებს, ეტყობათ, ციფრი თორმეტი აკვიატებული აქვთ და იპარავენ არც თერფმეტს და არც ცამეტს, მაინცდამაინც თორმეტს. რა არის ეს? დამთხვევა? ქურდული პრინციპი? თუ ცრურწმენის გავლენა?



თოხლიაურელმა ვალიკო გოგოლაშვილმა თანასოფელე თენგიზ მამისაშვილს ზუსტად თორმეტ საათსა და ნოლ ნოლ წუთზე, თორმეტ ივლისს, მოპარა თორმეტი ღორი. ასევე, არც მეტი, არც ნაკლები — თორმეტი ღორი მოპარა პატარძელულმა ვაჟა უნაფქოშვილმა მეზობელ შოთა უსტიაშვილს. ახლა სიტყვა სასამართლოს ეკუთვნის და მისივე ნებაა, გაითვალისწინებს თუ არა ამ აკვიატებულ ციფრს!

კირგამზრალი აზაზანა!..

ნოზარი პირველი პრობლემა მივიღინებაში მყოფი კაცისათვის, რა თქმა უნდა, სასტუმროა და რა დიდია მისი სიხარული, როდესაც ამ პრობლემას გადაჭრის! სასტუმროში ნომერი გაქვს, ეს ნიშნავს მოსვენებაც გარანტირებულია და არც ხელპირის დაბანა გაქვს საფიქრებელი. ხოლო

თუ ბედმა გაგიღიმა და ლუქსი ან ნახევარ-ლუქსი გერგო, ეს უკვე იმის სანინდარია, რომ თქვენს ხელთაა კომფორტის მთლიანი კომპლექტი — აბაზანა, რა თქმა უნდა, ცივი და ცხელი წყლით, ტელევიზორი, ტელეფონი და ა. შ...

სწორედ ასევეა სასტუმრო „გარეჯის“ ლუქსშიც — ტელევიზორი, ტელეფონი, აბაზანა და... თქვენს მოლოდინს ცივი წყალი ესმება. არ იფიქროთ, რომ ნათქვამს პირდაპირი მნიშვნელობა ჰქონდეს — სადაა აქ ცივი წყალი?! ცხელზე ხომ ლაპარაკიც ზედმეტია! (ჯერ ცივი უნდა იყოს, რომ გაცხელდეს!). ჰოდა, თქვენ წარმოიდგინეთ ნიანგი უწყლოდ!..

— ხელ-პირი სად დავიბანოთ? — ვეკითხებით სასტუმროს დერეფანში დაზვერვაზე გასულნი ძველ, გამოცდილ მოზინადრეს.

— ეზოში, სუფთა ჰაერზე, ჯანმრთელობისთვის პირდაპირ მისწრება! — გვაკვლიანებს იგი.

იქ ხელ-პირის დაბანა კი მართლაც მისწრებაზეა, რადგან ელემენტარული ჰიგიენის დამცველი ბევრია, ხოლო ონკანი — ერთი.

თქვენ გგონიათ წყალი (ეს მსოფლიო პრობლემა) მართლა ასე ნაკლია საგარეჯოელებს? წყალი და მერე რა წყალი — ანკარა წყაროს თვალი მოჩუხჩუხებს ბევრგან! ზედ სასტუმროს წინ დგას დასალევი წყლის „სოკო“. და სწორედ ამ „სოკოდან“ ორი მეტრის სიმაღლეზე მოჩუხჩუხე შადრევნის ჩხრიალმა მთელი ღამე არ დააძინა პირდაუბანელი და ხახვამზრალი ნიანგი. ეზოშიც ეს ერთადერთი ონკანი დაზიანებულია და დღე და ღამე უწყალოდ იღვრება წყალი — სითხე აშ ორი ო, რომეტიც ასე სჭირდება სასტუმროს ნომერებში მცხოვრებთ!

რაშია საქმე?

გამოთხოვება ჭაბურღილიანი გორგოთისა

ნახულითა და გაგონილით, შთაბეჭდილებებით სავსე ნიანგი სალამოხანს ეთხოვებოდა საგარეჯოს. იორი თავისთვის რალაცას ბუტბუტებდა. ვარსკვლავებით მოჭახტახტულმა ცამ და გარეჯის მთა-გორებზე განფენილმა მთვარის შუქ-ჩრდილებმა გიორგი ლიონიძე გაგვახსენა — „ამოდის მთვარე, ბრწყინავს მთვარის დღესასწაული...“ დღესასწაული ნუ მოგაკლებოდეთ, გარეჯელებო, და განა მარტო „გარეჯობასა“ და „თბილისქალაქობაზე“!

ვაშა ჭანიშვილი, გარი გიტრაჰვილი, „ნიანგის“ სპეცკორეპონდენტები.



— ვის ეძებ მამ?
— ჩემს მეძღას, აზგოჯან, ლამაზი ქალიაო!

კვადკოვის რივილი

ცხოვრების ნახევარგზაზე (აღბათ, სმა-ჭამამ მინია!)
წყულმა ავადმყოფობამ ცოლივით შემომიტია!..
ანკეტას როცა მივსებდნენ, შიგ ჩამინერეს „ქართველი“!
შემდეგ გამსინჯეს გულდასმით (ვაცხოვე მათი გამზრდელი!)

ნამლები გამომინერეს და დამიმშვიდეს თან გული —
„უნდა იშოვო უნგრული, ანდა, სჯობია, ფრანგული!
ნემსები — ამერიკული, ან ინგლისური (ნაღდია!),
პოლონურს თუკი იშოვი, რა უშავს, ისიც კარგია!

აბები — იაპონური (მისწრებაა და ისაა!),
სათბური — ესპანური და ოცნები ალუირის ვარგა!
ევროპისა და აფრიკის ზეთი არ გინდა არც ერთის!
უნდა იყიდო, როგორმე, აუცილებლად — სპარსეთის!

ერთ წამალს კიდევ დაგინერ (არ შეგეშინდეს სიშორის!),
ჯერ ხმარებაში არ არის, მაგრამ პერუსი იშოვი!“
დასასრულ, როცა მოთავდა უცხო ქვეყნების კრებული,
ერთი შეკითხვა გაგებდე, ძალიან მორიდებული:

„ბოდიში, ჩვენი ნურბლები არ ივარგებდნენ, განვრთნილნი?!
ერთი ქართულად მიკბინონ, თუ არ მოვრჩები, არ ვჩივი!“

... ყურის ძირებში დამასხეს (დღეს ადვილია სათქმელად!)
მეშველა! სიკვდილს გადავრჩი და თანაც დავრჩი ქართველად!

ავადმყოფი ლ. ხ., 54 წლისა (ავადმყოფობის ისტორიის № 7659).

ფერილები კვალდაკვალ

გორში, რკინიგზის სადგურის მიმდებარე ტერიტორიაზე არსებულ საზოგადოებრივი კვების ობიექტებში, ადგილი აქვს ვაჭრობის წესების დარღვევის ფაქტებს! — სწერდნენ რედაქციას.

საქართველოს კვების საქალაქო კომიტეტიდან გვაცნობეს, რომ წერილში მოტანილი ფაქტები შენობებში დადასტურდა.


გორვაჭრობის ღირეციის 1980 წლის 19 სექტემბრის № 445 ბრძანებით მეზუფეტე ტ. ოთიაშვილს და მზარეულ ო. მისურაძეს გამოეცხადათ საყვედური.

დაქვემდებარებული ობიექტების მუშაობაში არსებული ნაკლოვანებებისათვის გაერთიანების გამგეს გ. შენგელიას გამოეცხადა სასტიკი საყვედური.

რედაქციაში შემოსულ წერილში აღნიშნული იყო, რომ თბილისის კიროვის რაიონის საკომმუნალ-ბაზრის ტერიტორიაზე მდებარე საჩაიეში სამამულო ომის მონაწილეებს ცუდად ემსახურებოდა.

თბილისის სახალხო დეპუტატების საქალაქო საბჭოს აღმასკომის ვაჭრობის სამმართველოდან, სადაც აღნიშნული წერილი შესამოწმებლად და ზომების მისაღებად გადავაგზავნეთ, რედაქციას აცნობეს, რომ წერილში მოტანილი ფაქტები დადასტურდა.

კიროვის რაისაზგეების ტრესტის გაერთიანება № 216-ის საჩაიეს გამყიდველს გუსაევ გულამ მამედ ოღლის გამოეცხადა საყვედური, ხოლო გაერთიანების გამგეს შ. ირემაშვილს დავეალა, განსაკუთრებულ კონტროლზე აიყვანოს დიდი სამამულო ომის მონაწილეთა სავაჭრო მომსახურების საქმე.




7-87

სარიოზულ შეშვოთებას ინვეს სამხრეთ-დასავლეთ აზიაში დაძაბულობის კერების არსებობა... გრძელდება უაზრო და ტრაგიკული კონფლიქტი ერაყსა და ირანს შორის... ვის აძლევს ხელს ეს ომი? რა თქმა უნდა, არა ერაყსა და არა ირანს... ზოგ-ზოგებმა ომზე ხელი მოითბეს. ეს უკვე ჩანს.

გაზეთებიდან.

ნახ. ვ. ლოლუსანი



ამერიკელი თოვლის პაპა სანტა-(მ) კლ ა (ვ) უსი

ნავთობი, ნავთობი, ნავთობი...

შეაქითხეთ ნებისმიერ ადამიანს, ვისაც ოდესმე უყუნოხია იგი და უმაღლვე გაიასუხებთ, ნავთობი არცთუ ისე სახიამოვნო, მკვეთრი სუნის მქონე თხევადი ნივთიერებააო, მაგრამ არავინ დაიწყებს იმის მტკიცებას, რომ ნავთობს ჭადონური თვისებები ჰქონდეს და ხაღდაც ცხრა მთასა და ცხრა ზღვას იქით გადაკარგული ჭვეყნიდან მაგნიტივით იზიდადეს სამხედრო გემებს, თვითმფრინავებსა და... ცენტრალური სადაზვერვო სამმართველოს აგენტებს.

მაგრამ ამ ბოლო დროს ადამიანთა ეს ყოვლად გაულუბრყვილო წარმოდგენა ნავთობზე მთლიანად თავდაყირა დადგა, ნავთობს ისეთი თვისებები აღმოაჩინდა, რომლებზეც აქამდე წარმოდგენაც არა ჰქონდა მეცნიერებას, თუმცა, კაცმა რომ თქვას, ამ ცოდვილი ნივთიერების ახალაღმოჩენილი თვისებები პოლიტიკას უფრო განეკუთვნება, ვიდრე მეცნიერებას და ამ აღმოჩენის სათავეებთან თეთრი ხაზლის ზოგიერთი დიდმოხელე დგას.

ნავთობის მაგიური თვისებების შესწავლა დაუცხრომლად გრძელდება, მაგრამ ის, რაც უკვე დადგენილია, კაცობრიობას წარმოდგენას აძლევს, გაერკვეს ამერიკელთა ღრმა ჩანაფიქრში, რომელიც ყოველი ახალი აღმოჩენის პრაქტიკულ განხორციელებაში მდგომარეობს.

მიუხედავად კვლევის შედეგების მკაცრი საიდუმლოებისა, ამერიკის შეერთებული შტატების ახლოაღმოსავლურ პოლიტიკაში მაინც მოხდა ინფორმაციის გაუონვა და ამ პოლიტიკის ანალიზი საშუალებას გვაძლევს დავასკვნათ, რომ:

ნავთობი საუკეთესო საშუალებაა არამითხეს როლ-

ში გამოსვლისა და სხვის საქმეში სამხედრო და პოლიტიკური ჩარევისათვის;

რომ ნავთობის გამოყენება შეიძლება პოლიტიკური ფლირტისათვის ევროპის ჭვეყნებთან, იმ ვარაუდით, თუ მოგებული მულამ ამერიკის შეერთებული შტატები დარჩება;

რომ ნავთობის შეუფერხებელი გაზიდვის საბაზით შეიძლება სპარსეთის ყურესა და ახლო აღმოსავლეთის სხვა ჭვეყნების ტერიტორიულ წყლებში გაიგზავნოს უახლოესი სამხედრო ტექნიკით აღჭურვილი საზღვაო არმადები და, ჭაჭვური რეაქციის ამერიკული პრაქტიკის მიხედვით, შემდგომში შეიძლება ეს ძალები გამოყენებულ იქნეს რევოლუციების წინააღმდეგ საბრძოლველად;

რომ შეიძლება ნავთობს ცეცხლი გაუჩინოს და მასზე კიდევ ერთხელ მოითხოვს ხელი ზოგიერთი რეაქციული რეჟიმებისთვის საომარი აღჭურვილობის მიყიდვით.

დაბოლოს, ნავთობის მაგიური თვისებების შესწავლის საბაზით შეიძლება გაუთავებლად გზავნოს პოლიტიკური ემისრები ახლო აღმოსავლეთის ჭვეყნებში და ამდგომი წყალი, რადგან ნავთობისაგან განსხვავებით დიდი ხანია დადგენილია მდგრად წყლის თვისება: მასში თევზის დაჭერა უფრო ადვილია!

ნავთობის ექსპერიმენტი კი გრძელდება და, ვინ იცის, კიდევ რა ახალი აღმოჩენით გააოცებს მსოფლიოს ოკეანისგაღმედი „მკვლევარების“ დაუცხრომელი ფანტაზია!..

ჯორჯი



საბჭოთავი

საბჭოთავი
ქურნალი „ნიანგი“
№ 2 (1588). იანვარი
გამოდის 1923 წ. ივნისიდან.

მთავარი რედაქტორი
ზაურ ბოლქვაძე

სარედაქციო
კოლეგია:

ზაზუა ამირაჯიბი
ნოგალი ბართია
ბორის გურგულია
ნოდარ დუმბაძე
რევაზ თვარაძე
ჯემალ ლოლუსანი
ნოდარ მაღაზონია
(მხატვარი-რედაქტორი)

ზაზუნ სინარულიძე
(პასუხისმგებელი მდივანი)

ალექსანდრე სამსონია
ვიკტორ ფირცხალავა
ჯანსუღ ჩარკვიანი
თამაზ წიგწივაძე
ვაჟა ჯანიშვილი
(მთავარი რედ. მოადგილე)
ნაფი ჯუსოიტი

ტექნიკური რედაქტორი
მინილ კუსალაშვილი

გალამიკ ასაყობად
29. 12. 80 წ.
ხელმოწერილია დასაბამად
26. 1. 81 წ.
ქალაქის ზომა 70x108 1/2
ფიზიკური ნაბეჭდი
ფურცელი 2
სააღრიცხვო-საბამომცემლო
თაბახი 1,7
საქართველოს კვ ცკ-ის
გამომცემლობა,
ლენინის ქ. № 14,
შეკვეთა 3265. უე 00626
ტირაჟი 150.950.
ქურნალი გამოდის
თვეში ორჯერ.
რედაქციაში შემოსული
მასალები ავტორებს
არ უბრუნდებათ.

ჩვენი მისამართი:
380008, თბილისი-8, რუსთაველის
პროსპექტი, № 42.

ტელეფონები: მთავარი
რედაქტორის — 93-62-04, მთ.
რედ. მოადგილის — 93-19-42,
პ/მგ მდივნის — 93-10-78, მხატვარი-რედაქტორის — 99-02-38,
განყოფილებათა გამგეების —
93-49-32, რედაქტორ-ლიტმუშაკების — 99-02-38, მდივანი-მემანქანის — 99-76-69.

Сатирико-юмористический журнал «НИАНГИ» (На грузинском языке) Тбилиси, пр. Руставели № 42. Издательство ЦК КП Грузии Типография Издательства ЦК КП Грузии, Тбилиси, улица Ленина № 14. Убани 20 კაპიკი ინდემსი 76137

56 81
11